


Cumegn Albula/Alvra



**Lescha digls deis da pôss legals publics
(Lescha digls deis da pôss)**

Acceptada dalla radunanza communal igls 17 da zarcladour 2016
e messa an viglour dalla suprastanza communal per igl 1. avost 2016

Art. 1

Camp
d'applicaziun e
scopo

¹ Chella lescha determinescha igls deis da pôss publics e regla igl schurmetg digl pôss public da chels deis.

² Prescripziuns divergentas u complementaras ainten la legislaziun federala u cantunala restan reservadas.

Art. 2

Deis da pôss
publics

¹ Deis da pôss publics èn:

- a) las dumengias;
- b) igls firos Bumang, Venderde sontg, Glindesde-Pasca, Anzainsas, Glindesde-Tschuntgesmas, festa naziunala, Nadal e son Stefan.

² Scu firos valan Venderde sontg, Pasca, Tschuntgesmas, Rogaziun federala e Nadal.

Art. 3

Deis da pôss
locals

Firos confessiunals locals èn:

- Nossadonna d'avost (15 d'avost)
- Nomnasontga (1 da november)

Art. 4

Schurmetg digl
pôss public

¹ Da deis da pôss publics èn scumandadas tottas lavours, tgi disturban igl pôss e la dignitad duevla per chel de, igl sarvetsch divin u igls sentimaints religious dad oters.

² Lubeidas èn an deis da pôss surtot:

- a) lavours basignevas d'interpresas, tgi èn ranvieidas ad en travagl nuninterrot;
- b) lavours agricolas dependentas dall'ora, schinavant tg'igl è prievel tgi la raccolta vigna svaletada u geia a mal;
- c) sarvetschs e lavours, schinavant tgi els èn basignevels per garanteir la purscheida turistica;
- d) lavours d'ageid d'urgenza.

³ Furnareias e conditoreias scu er buteias da victualias, noua tgi vignan vandias surtot products specifics dalla branscha, dastgan aveir avert las dumengias ed igls deis uffizials da pôss dallas 06.00 – 19.00.

⁴ Per kioscs e buteias da tancadis valan igls taimps d'avertura mintga de dallas 06.00 – 22.00.

⁵ Alinea 1 anfignen 4 valan analog er per igls deis da pôss locals tenor art. 3.

Art. 5

Occurrenzas
a) igls deis da
pôss publics

Occurrenzas tgi servan alla sanadad, alla recreaziun, agl sport, alla cultura u agl divertimaint, èn lubeidas igls deis da pôss publics, cun excepziun digls firos, schinavant tgi ellas s'opponan betg agl scopo da chella lescha.

Art. 6

b) Igls firos

¹ Igls firos lubescha igl cumegn occurrenzas, tgi servan alla sanadad, alla recreaziun, agl sport, alla cultura u agl divertimaint, schinavant tgi ellas s'opponan betg agl scopo da chella lescha.

² Exclusas dall'obligaziun da concessiun èn occurrenzas tenor alinea 1, schinavant tgi ellas on li ainten salvs saros e noua tgi betg daple tgi 500 persungas son sa participar.

³ Igl cumegn pò scumandar occurrenzas tenor alinea 2, schi exista en suspect giustifitgia, tgi chellas magnan ad en disturbi digl pôss duevel digl firo.

Art. 7

Lubientschas
spezialas

Sen ena dumonda mutivada, pò la suprastanza communal dar an cass excepziunals ena lubientscha speziala.

Art. 8

Disposiziuns
penalas

Cuntravenziuns dallas determinaziuns cantunals e communalas dallas fixaziuns digls deis da pôss, vignan puneidas dalla suprastanza communal cun casteis da 100.00 anfignen 5'000.00 fr.

Art. 9

Referendum,
antrada an vi-
gour, dretg
transitoric

¹ Chella lescha sottastat agl referendum facultativ.

² La suprastanza communal fixescha igl termin d'antrada an vigour da chella lescha.


³ Cun l'antrada an vigour da chella lescha, vignan ramplazzos tot igls decrets communals tgi stattan an cuntradicziun cun chella, surtot cun las leschas digls deis da pôss digls anteriours cumegns.

Igl mastral



Daniel Albertin

Igl canzlist



Maurus Engler